



- SENAT -

Broj: 01-7909/16

Sarajevo, 28. 12. 2016. godine

**Z A P I S N I K
SA 3. REDOVNE SJEDNICE SENATA
ODRŽANE 28. 12. 2016. GODINE**

Prisutni članovi Senata: prof. dr. Rifat Škrijelj, rektor, prof. dr. Izet Rađo, prof. dr. Aleksandra Nikolić, prof. dr. Maida Čohodar-Husić, prof. dr. Željko Šain i prof. Zijad Mehić, prorektori, Bekir Rovčanin, student-prorektor, prof. dr. Mersad Čuljević, prof. dr. Amir Čaušević, prof. dr. Kemal Kozarić, prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Husnija Kajmović, prof. dr. Samir Čaušević, prof. dr. Dijana Avdić, prof. dr. Davorka Završnik, doc. dr. Ksenija Kondali (po ovlaštenju), prof. dr. Mustafa Hrasnica, prof. dr. Izet Bijelonja, prof. dr. Almira Hadžović-Džuvo, prof. dr. Senad Kazić, prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Mustafa Memić, prof. dr. Lejla Kazazić (po ovlaštenju), prof. dr. Mirza Dautbašić, prof. dr. Nihad Fejzić, prof. dr. Nezir Krčalo, prof. dr. Naris Pojskić, dr. sc. Rasim Muratović, dr. sc. Senija Milišić, dr. sc. Adnan Kadrić, dr. sc. Alen Kalajdžija, te predstavnici Studentskog parlamenta Univerziteta u Sarajevu: Haris Zahiragić, predsjednik SPUS-a, Bakir Ganić, student prvog ciklusa studija Šumarskog fakulteta, Mirza Ibrahimović, student drugog ciklusa studija Fakulteta sporta i tjelesnog odgoja, Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, Lamija Hasković, student prvog ciklusa studija Muzičke akademije, i Lejla Lasić, student trećeg ciklusa studija Prirodno-matematičkog fakulteta Univerziteta u Sarajevu.

Ostali prisutni: dr. sc. Suvad Konaković, generalni sekretar Univerziteta u Sarajevu.

Odsutni članovi Senata: prof. dr. Aida Hodžić, prorektorica za nastavu i studentska pitanja, prof. Marina Finci, prof. dr. Darko Tomašević i Nadira Alimanović, student prvog ciklusa studija Elektrotehničkog fakulteta.

Sjednica je počela sa radom u 13:00 sati.

Predsjedavao je rektor prof. dr. Rifat Škrijelj.

Prije prelaska na usvajanje dnevnog reda za riječ se javila prof. dr. Almira Hadžović-Džuvo i predložila da pod tačkom „Informacije“ informira Senat o problematici realizacije odluka Senata na Medicinskom fakultetu Univerziteta u Sarajevu.

Nakon što su članovi Senata jednoglasno prihvatili navedenu dopunu dnevnog reda, usvojen je sljedeći

DNEVNI RED

1. Prijedlog Poslovnika o radu Senata Univerziteta u Sarajevu
Izvjestilac: dr. sc. Suvad Konaković, generalni sekretar Univerziteta u Sarajevu
2. Usvajanje Zapisnika sa 2. redovne sjednice Senata od 30. 11. 2016. godine
3. a) Izbori u akademska zvanja
b) Raspisivanje konkursa za izbor akademskog osoblja
c) Angažman akademskog osoblja sa drugih univerziteta
4. Doktorati nauka/umjetnosti
5. a) Saglasnosti na nastavne planove i programe
b) Realizacija konkursa za upis kandidata na treći ciklus studija (doktorski studij)
c) Raspisivanje konkursa za upis kandidata na treći ciklus studija (doktorski studij)
6. Prijedlog odluke o imenovanju Savjeta za nauku i umjetnost Univerziteta u Sarajevu
Izvjestilac: prof. dr. Rifat Škrijelj, rektor Univerziteta u Sarajevu
7. Rad odbora na Univerzitetu u Sarajevu
 - a) Zaključak Odbora za dodjelu univerzitetskih priznanja
Izvjestilac: prof. dr. Rifat Škrijelj, rektor Univerziteta u Sarajevu
 - b) Mišljenje Odbora za normativna pitanja
Izvjestilac: prof. dr. Hajrija Sijerčić-Čolić, član Odbora
 - c) Imenovanje članova Odbora za upravljanje kvalitetom na Univerzitetu u Sarajevu
Izvjestilac: prof. dr. Maida Čohodar-Husić, prorektorica za kvalitet
 - d) Konstituiranje Odbora Fonda za razvoj Univerziteta u Sarajevu
Izvjestilac: prof. dr. Željko Šain, prorektor za finansije Univerziteta u Sarajevu
8. a) Prijedlog odluke o imenovanju komisije za izradu prijedloga izmjena i dopuna Pravila studiranja za drugi ciklus studija na Univerzitetu u Sarajevu
b) Prijedlog za izmjenu člana Komisije za izradu prijedloga izmjena i dopuna Pravila studiranja za treći ciklus studija na Univerzitetu u Sarajevu
9. Strategija razvoja Instituta za genetičko inženjerstvo i biotehnologiju Univerziteta u Sarajevu za period 2017–2027. godine
Izvjestilac: prof. dr. Naris Pojskić, direktor Instituta
10. Međunarodna saradnja
Izvjestilac: prof. dr. Aleksandra Nikolić, prorektorica za međunarodnu saradnju
11. Izdavačka djelatnost
Izvjestilac: prof. dr. Maida Čohodar-Husić, prorektorica za kvalitet

12. Izvještaj Komisije za provođenje postupka priznavanja inozemnih visokoškolskih kvalifikacija
13. Studentska pitanja
14. Informacije
 - a) Molba Instituta za genetičko inženjerstvo i biotehnologiju Univerziteta u Sarajevu za podršku za prikazivanje edukativno-dokumentarnog filma
Izvjestilac: prof. dr. Naris Pojskić, direktor Instituta

T O K S J E D N I C E

Ad-1.

Nakon uvodnog obrazloženja dr. sc. Suvada Konakovića jednoglasno je donesen sljedeći

Z A K L J U Č A K

Prijedlog teksta Poslovnika o radu Senata Univerziteta u Sarajevu upućuje se Odboru za normativna pitanja, kao stručnom i savjetodavnom tijelu Senata Univerziteta u Sarajevu, na mišljenje o usaglašenosti sa odredbama Zakona o visokom obrazovanju Kantona Sarajevo i Statuta Univerziteta u Sarajevu.

Ad-2.

Jednoglasno i bez primjedbi usvojen je Zapisnik sa 2. redovne sjednice Senata od 30. 11. 2016. godine.

Ad-3.

- a) **U skladu sa Zakonom o visokom obrazovanju Kantona Sarajevo i Statutom Univerziteta u Sarajevu, Senat Univerziteta u Sarajevu izvršio je izbor u akademska zvanja, kako slijedi:**

EKONOMSKI FAKULTET

- 3.1. Dr. Velma Pijalović u zvanje vanrednog profesora za oblast *ekonomija*.

FAKULTET ISLAMSKIH NAUKA

- 3.2. Dr. Nusret Isanović u zvanje redovnog profesora za oblast *filozofija*.
- 3.3. Dr. Zemir Sinanović u isto zvanje – zvanje vanrednog profesora za oblast *sociologija*.
- 3.4. Dr. Ahmet Alibašić u zvanje vanrednog profesora za oblast *islamska kultura i civilizacija*.

FAKULTET SPORTA I TJELESNOG ODGOJA

- 3.5. Dr. Siniša Kovač u zvanje redovnog profesora za oblast *metodika i metodologija u sportu*.

FAKULTET ZDRAVSTVENIH STUDIJA

- 3.6. Dr. Amela Halilbašić u zvanje docenta za predmet *Fizikalna terapija u sportu i sportskoj medicini*.

GRAĐEVINSKI FAKULTET

- 3.7. Alma Džubur, MA, u zvanje višeg asistenta za oblast *hidrotehnika i okolišno inženjerstvo*.

3.8. Željko Lozančić, MA, u zvanje višeg asistenta za oblast *hidrotehnika i okolišno inženjerstvo*.

MAŠINSKI FAKULTET

3.9. Dr. Samir Muzaferija u zvanje redovnog profesora za oblast *procesno, energetska i okolišna inženjerstva*.

3.10. Dr. Damir Kahrimanović u isto zvanje – zvanje docenta za oblast *procesno-energetska mašinstva (Projektovanje procesnih postrojenja)*.

POLJOPRIVREDNO-PREHRAMBENI FAKULTET

3.11. Dr. Milenko Blesić u zvanje redovnog profesora za oblast *tehnologija vrenja*.

PRAVNI FAKULTET

3.12. Dr. Edin Halapić u zvanje vanrednog profesora za oblast *pravna historija*.

3.13. Dr. Amila Ždralović u zvanje docenta za oblast *sociološke dimenzije prava*.

PRIRODNO-MATEMATIČKI FAKULTET

3.14. Dr. Lejla Klepo u zvanje docenta za oblasti: *organska hemija i biohemija*.

ŠUMARSKI FAKULTET

3.15. Dr. Ahmet Lojo u zvanje vanrednog profesora za oblast *uređivanje šuma i urbanog zelenila*.

b) Donesene su odluke o raspisivanju konkursa za izbore akademskog osoblja na: Fakultetu sporta i tjelesnog odgoja, Fakultetu za kriminalistiku, kriminologiju i sigurnosne studije, Fakultetu za saobraćaj i komunikacije, Mašinskom fakultetu, Poljoprivredno-prehrambenom fakultetu, Prirodno-matematičkom fakultetu, Fakultetu za upravu – pridruženoj članici Univerziteta u Sarajevu.

c) Data je saglasnost na angažman akademskog osoblja sa druge visokoškolske ustanove na Mašinskom fakultetu Univerziteta u Sarajevu.

Ad-4.

Dokorati – treći ciklus studija (doktorski studij)

Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:

EKONOMSKI FAKULTET

4.1. Obrazuje se Komisija za ocjenu uvjeta kandidata Lejle Dacić, MA, i podobnosti teme doktorske disertacije pod naslovom *Analiza potrošnje domaćinstava u Bosni i Hercegovini* u sljedećem sastavu:

1. dr. Rabija Somun-Kapetanović, redovni profesor, predsjednik,
2. dr. Hasan Hanić, redovni profesor, član,
3. dr. Kasim Tatić, redovni profesor, član,
4. dr. Željko Šain, redovni profesor, član,
5. dr. Eldin Mehić, vanredni profesor, član.

4.2. Obrazuje se Komisija za ocjenu uvjeta kandidata Mije Mrgud, MA, i podobnosti teme doktorske disertacije pod naslovom *Principal-Principal Conflicts and Minority Shareholder Protection in South-East Europe* u sljedećem sastavu:

1. dr. Vedad Silajdžić, vanredni profesor, predsjednik,
2. dr. Veljko Trivun, redovni profesor, član,
3. dr. Fatima Mahmutćehajić, vanredni profesor, član,
4. dr. Aziz Šunje, redovni profesor, član,
5. dr. Elvir Čizmić, vanredni profesor, član.

4.3. Obrazuje se Komisija za ocjenu uvjeta kandidata mr. Mirze Huskića i podobnosti teme doktorske disertacije pod naslovom *Institucije tržišta rada, nezaposlenost i nejednakost plata u tranzicijskim zemljama* u sljedećem sastavu:

1. dr. Adnan Efendić, vanredni profesor, predsjednik,
2. dr. Rabija Somun-Kapetanović, redovni profesor, član,
3. dr. Merima Balavac, docent, član,
4. dr. Merima Činjurević, docent, član,
5. dr. Emina Resić, vanredni profesor, član.

FAKULTET ZA KRIMINALISTIKU, KRIMINOLOGIJU I SIGURNOSNE STUDIJE

4.4. Obrazuje se Komisija za ocjenu uvjeta kandidata mr. Edite Hasković i podobnosti teme doktorske disertacije pod naslovom *11. septembar – povijesna sigurnosna prekretnica* u sljedećem sastavu:

1. dr. Jasmin Ahić, vanredni profesor, predsjednik,
2. dr. Ramo Masleša, redovni profesor, član,
3. dr. Goran Kovačević, docent, član,
4. dr. Haris Halilović, vanredni profesor, rezervni član.

4.5. Obrazuje se Komisija za ocjenu uvjeta kandidata mr. Reshata Maliqija i podobnosti teme doktorske disertacije pod naslovom *Kriminalističke procedure u funkciji otkrivanja organizovanog kriminaliteta na Kosovu* u sljedećem sastavu:

1. dr. Mirsad Abazović, profesor emeritus, predsjednik,
2. dr. Nedžad Korajlić, redovni profesor, član,
3. dr. Eldan Mujanović, vanredni profesor, član,
4. dr. Marija Lučić-Čatić, vanredni profesor, rezervni član.

4.6. Obrazuje se Komisija za ocjenu uvjeta kandidata mr. Rrahmana Sylejmanija i podobnosti teme doktorske disertacije pod naslovom *Kriminalistička istraga krivičnog djela krijumčarenja migrantima na Kosovu za period 2011–2015.* u sljedećem sastavu:

1. dr. Ramo Masleša, redovni profesor, predsjednik,
2. dr. Nedžad Korajlić, redovni profesor, član,
3. dr. Eldan Mujanović, vanredni profesor, član,
4. dr. Irma Deljković, vanredni profesor, rezervni član.

MAŠINSKI FAKULTET

4.7. Obrazuje se Komisija za ocjenu uvjeta kandidata mr. Hajrudina Džafe i podobnosti teme doktorske disertacije pod naslovom *Analiza toka sa Koanda efektom na vodozahvatu* u sljedećem sastavu:

1. dr. Sadjit Metović, docent, predsjednik,
2. dr. Ejub Džaferović, redovni profesor, član,
3. dr. Muris Torlak, docent, član.

4.8. Obrazuje se Komisija za ocjenu uvjeta kandidata mr. Rejhane Muhamedagić i podobnosti teme doktorske disertacije pod naslovom *Napredno modeliranje i dinamička simulacija kompletnog sistema grijanja simultanom primjenom Modelice i metode konačnih zapremina* u sljedećem sastavu:

1. dr. Dunja Martinović, redovni profesor, predsjednik,
2. dr. Armin Teskeredžić, vanredni profesor, član,
3. dr. Ejub Džaferović, redovni profesor, član.

MUZIČKA AKADEMIJA

4.9. Daje se saglasnost na izmjenu člana Komisije pri izradi doktorske disertacije kandidata mr. Emine Smolović pod naslovom *Specifičnosti izvođačke interpretacije Sonata za violinu i klavir Wolfganga Amadeusa Mozarta*, tako da se kandidatu za člana komisije, umjesto prof. dr. Mine Mendelson, vanrednog profesora Fakulteta umetnosti u Nišu, imenuje novi član i to mr. Anđelko Krpan, redovni profesor Muzičke akademije u Zagrebu. Navedena izmjena usvojena je od Vijeća Muzičke akademije Univerziteta u Sarajevu.

POLJOPRIVREDNO-PREHRAMBENI FAKULTET

4.10. Obrazuje se Komisija za ocjenu uvjeta kandidata mr. Almira Toromana i podobnosti teme doktorske disertacije pod naslovom *Spremnost i osposobljenost objekata javne ishrane na sprječavanju prehrambenog terorizma* u sljedećem sastavu:

1. dr. Sonja Bijeljac, profesor emeritus, predsjednik,
2. dr. Enver Karahmet, docent, član,
3. dr. Suad Hamidović, docent, član.

PRAVNI FAKULTET

4.11. Obrazuje se Komisija za ocjenu uvjeta kandidata mr. Emine Dlakić-Gadžun i podobnosti teme doktorske disertacije pod naslovom *Naknada štete u postupcima javnih nabavki u Bosni i Hercegovini* u sljedećem sastavu:

1. dr. Abedin Bikić, redovni profesor, predsjednik,
2. dr. Meliha Pvlakić, redovni profesor, član,
3. dr. Zinka Grbo, vanredni profesor, član.

PRIRODNO-MATEMATIČKI FAKULTET

4.12. Obrazuje se Komisija za ocjenu uvjeta kandidata Erne Islamagić, MA, i podobnosti teme doktorske disertacije pod naslovom *Molekularno-genetička osnova rezistencije na inhibitore tirozin kinaza kod pacijenata sa hroničnom mijeloidnom leukemijom* u sljedećem sastavu:

1. dr. Izet Eminović, redovni profesor, predsjednik,
2. dr. Amina Kozarić, vanredni profesor, član,
3. dr. Lada Lukić-Bilela, vanredni profesor, član,
4. dr. Edhem Hasković, redovni profesor, rezervni član.

4.13. Obrazuje se Komisija za ocjenu uvjeta kandidata Lejle Mehinović, MA, i podobnosti teme doktorske disertacije pod naslovom *Molekularna karakterizacija pacijenata sa mijeloidnim neoplazmama sa područja Kantona Sarajevo: dvadesetogodišnje praćenje u sljedećem sastavu:*

1. dr. Izet Eminović, redovni profesor, predsjednik,
2. dr. Amina Kozarić, vanredni profesor, član,
3. dr. Hilada Nefić, redovni profesor, član,
4. dr. Lada Lukić-Bilela, vanredni profesor, rezervni član.

CENTAR ZA INTERDISCIPLINARNE STUDIJE

4.14. Obrazuje se Komisija za ocjenu uvjeta kandidata mr. Slađane Milin i podobnosti teme doktorske disertacije pod naslovom *Rodna podjela rada: Svakodnevne aktivnosti (ne)zaposlenih žena u BiH* u sljedećem sastavu:

1. dr. Stef Jansen, docent,
2. dr. Jasna Bakšić-Muftić, redovni profesor,
3. dr. Asim Mujkić, redovni profesor.

Jednoglasno je donesena odluka kojom se verificiraju izvještaji komisija za ocjenu uvjeta kandidata i podobnosti teme doktorske disertacije:

GRAĐEVINSKI FAKULTET

4.15. Verificira se Izvještaj Komisije za ocjenu uvjeta kandidata Emine Hajdo, MA, i podobnosti teme doktorske disertacije pod naslovom *Analiza ultimnog opterećenja čeličnih konstrukcija uzimajući u obzir geometrijsku nelinearnost i omekšanje materijala*, koji je usvojen od Vijeća Građevinskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Analiza ultimnog opterećenja čeličnih konstrukcija uzimajući u obzir geometrijsku nelinearnost i omekšanje materijala*, kandidata Emine Hajdo, MA.

MUZIČKA AKADEMIJA

4.16. Verificira se Izvještaj Komisije za ocjenu uvjeta kandidata Amre Toske, MA, i podobnosti teme doktorske disertacije pod naslovom *Tradicijska muzika kao zvuk prostora u kontekstu Bosne i Hercegovine*, koji je usvojen od Vijeća Muzičke akademije Univerziteta u Sarajevu.

Odobrava se rad na doktorskoj disertaciji pod naslovom *Tradicijska muzika kao zvuk prostora u kontekstu Bosne i Hercegovine*, kandidata Amre Toske, MA.

PRIRODNO-MATEMATIČKI FAKULTET

4.17. Verificira se Izvještaj Komisije za ocjenu uvjeta kandidata mr. Amire Kekić i podobnosti teme doktorske disertacije pod naslovom *Količina uzorka krvi, kao potencijalno ograničavajući faktor u procesu pouzdanog utvrđivanja krvnih grupa iz forenzičkih bioloških tragova*, koji je usvojen od Vijeća Prirodno-matematičkog fakulteta Univerziteta u Sarajevu.

Odobrava se rad na doktorskoj disertaciji pod naslovom *Količina uzorka krvi, kao potencijalno ograničavajući faktor u procesu pouzdanog utvrđivanja krvnih grupa iz forenzičkih bioloških tragova*, kandidata mr. Amire Kekić.

4.18. Verificira se Izvještaj Komisije za ocjenu uvjeta kandidata mr. Merise Čenanović i podobnosti teme doktorske disertacije pod naslovom *Diverzitet ACTN3 i ACE gena u bosanskohercegovačkoj populaciji*, koji je usvojen od Vijeća Prirodno-matematičkog fakulteta Univerziteta u Sarajevu.

Odobrava se rad na doktorskoj disertaciji pod naslovom *Diverzitet ACTN3 i ACE gena u bosanskohercegovačkoj populaciji*, kandidata mr. Merise Čenanović.

Jednoglasno su donesene odluke kojima se obrazuju komisije za ocjenu doktorskih disertacija:

EKONOMSKI FAKULTET

4.19. Obrazuje se Komisija za ocjenu doktorske disertacije kandidata mr. Amre Kraljić pod naslovom *Evaluacija i modeliranje uticaja ponašanja korisnika na namjeru korištenja i korištenje mobilnog interneta u Bosni i Hercegovini* u sljedećem sastavu:

1. akademik dr. Muris Čičić, redovni profesor, predsjednik,
2. dr. Almir Peštek, vanredni profesor, član,
3. dr. Vesna Babić-Hodović, redovni profesor, član,
4. dr. Rabija Somun-Kapetanović, redovni profesor, član,
5. dr. Lejla Turulja, docent, član.

ELEKTROTEHNIČKI FAKULTET

4.20. Obrazuje se Komisija za ocjenu doktorske disertacije kandidata mr. Brune Trstenjaka pod naslovom *Model predikcije klasa objekata baziran na višedimenzionalnim heterogenim podacima* u sljedećem sastavu:

1. dr. Zikrija Avdagić, redovni profesor, predsjednik,
2. dr. Dženana Đonko, redovni profesor, član,
3. dr. Samir Omanović, docent, član.

4.21. Obrazuje se Komisija za ocjenu doktorske disertacije kandidata Marija Kokoruša, MA, pod naslovom *Modeliranje pojava u tlu oko pobuđenog uzemljivača uključujući međuzavisnost raznorodnih polja* u sljedećem sastavu:

1. dr. Sead Berberović, redovni profesor, predsjednik,
2. dr. Hamid Zildžo, redovni profesor, član,
3. dr. Hasnija Šamić, redovni profesor, član.

Jednoglasno su donesene odluke kojima se obrazuju komisije za odbranu doktorskih disertacija:

ARHITEKTONSKI FAKULTET

4.22. Obrazuje se Komisija za odbranu doktorske disertacije kandidata Alme Pinjić, dipl. ing. arh., pod naslovom *Rehabilitacija muzeja u Bosni i Hercegovini kao generatora razvoja na primjeru memorijalnih muzeja* u sljedećem sastavu:

1. dr. Denis Zvizdić, vanredni profesor, predsjednik,

2. dr. Amir Pašić, redovni profesor, član,
3. dr. Adnan Pašić, vanredni profesor, član.

4.23. Obrazuje se Komisija za odbranu doktorske disertacije kandidata Jasmina Suljevića, dipl. ing. arh., pod naslovom *Tradicionalna gradnja: Model za integrirani pristup u projektiranju bioklimatske arhitekture* u sljedećem sastavu:

1. dr. Dženana Bijedić, vanredni profesor, predsjednik,
2. dr. Ahmet Hadrović, redovni profesor, član,
3. dr. Denis Zvizdić, vanredni profesor, član.

POLJOPRIVREDNO-PREHRAMBENI FAKULTET

4.24. Obrazuje se Komisija za odbranu doktorske disertacije kandidata Jasmina Grahića, MA, pod naslovom *Autohtone populacije heljde u funkciji organske poljoprivredne proizvodnje na području Bosne i Hercegovine* u sljedećem sastavu:

1. dr. Drena Gadžo, vanredni profesor, predsjednik,
2. dr. Mirha Đikić, vanredni profesor, član,
3. dr. Fuad Gaši, vanredni profesor, član.

4.25. Obrazuje se Komisija za odbranu doktorske disertacije kandidata mr. Kenana Kanlića pod naslovom *Genetska struktura i varijabilnost tradicionalnih genotipova jabuke sa područja istočne Bosne* u sljedećem sastavu:

1. dr. Mirsad Kurtović, redovni profesor, predsjednik,
2. dr. Fuad Gaši, vanredni profesor, član,
3. dr. Naris Pojskić, naučni savjetnik, član,
4. dr. Senaid Memić, redovni profesor, član.

Jednoglasno su usvojeni izvještaji o toku i rezultatima odbrane doktorskih disertacija:

PRIRODNO-MATEMATIČKI FAKULTET

4.26. Prihvata se Izvještaj Komisije o toku i rezultatu odbrane doktorske disertacije kandidata mr. Aldijane Mušović pod naslovom *Ekološka, morfološka i molekularno-genetička karakterizacija vrste *Aulopyge huegelii* Heckel, 1843 (*Actinopterygii: Cipriniformes*) iz Buškog jezera.*

4.27. Prihvata se Izvještaj Komisije o toku i rezultatu odbrane doktorske disertacije kandidata mr. Mahira Gajevića pod naslovom *Ekološka karakterizacija vrsta rodova *Gammarus fabricius*, 1775 i *Echinogammarus stebbing*, 1899 (*Crustacea: amphipoda*) u površinskim vodotocima Bosne i Hercegovine.*

4.28. Prihvata se Izvještaj Komisije o toku i rezultatu odbrane doktorske disertacije kandidata mr. Renate Bešte-Gajević pod naslovom *Biološka i molekularna karakterizacija izolata virusa mozaika krastavca porijeklom iz Bosne i Hercegovine.*

4.29. Prihvata se Izvještaj Komisije o toku i rezultatu odbrane doktorske disertacije kandidata mr. Selme Pilić pod naslovom *Citološke i morfološko-histološke karakteristike gameta i gonada kalifornijske pastrmke *Oncorhynchus mykiss* (Walbaum, 1792) uzgajane u ribogojilištima različitih slivova.*

4.30. Prihvata se Izvještaj Komisije o toku i rezultatu odbrane doktorske disertacije kandidata mr. Senada Šljuke pod naslovom *Komparativna analiza odabranih merističkih značajki i*

molekularnih markera u određivanju strukture i genetičkog diverziteta populacija Sander lucioperca (Linnaeus, 1758) u slivu rijeka Neretve i Save.

Doktorati nauka – predbolonjski

VETERINARSKI FAKULTET

4.31. Obrazuje se Komisija za ocjenu i odbranu doktorske disertacije kandidata mr. Nevresa Paprikića pod naslovom *Ispitivanje polimorfizma gena za leptin i parametara zdravstvenog stanja mliječne žlijezde u populaciji buše i njenih križanaca* u sljedećem sastavu:

1. dr. Teufik Goletić, vanredni profesor, predsjednik,
2. akademik dr. Muhidin Hamamdžić, profesor emeritus, član,
3. dr. Jevrosima Stevanović, vanredni profesor, član,
4. dr. Miodrag Lazarević, redovni profesor, član,
5. dr. Nazif Varatanović, redovni profesor, član,
- dr. Amina Hrković-Porobija, docent, zamjenik člana.

Ad-5.

- a) Data je saglasnost Elektrotehničkom fakultetu Univerziteta u Sarajevu na nastavni plan i program drugog ciklusa studija „Softver inženjering“ na Odsjeku za računarstvo i informatiku koji će se primjenjivati od studijske 2017/2018. godine.
- b) Prihvaćena je konačna lista kandidata za upis u prvu godinu trećeg ciklusa studija (doktorski studij; studijski program „Mašinske konstrukcije“) na Mašinskom fakultetu Univerziteta u Sarajevu u studijskoj 2016/2017. godini.
- c) **Raspisivanje konkursa za upis kandidata na treći ciklus studija (doktorski studij)**
 - Data je saglasnost Prirodno-matematičkom fakultetu Univerziteta u Sarajevu na raspisivanje konkursa za upis nove generacije studenata na treći ciklus studija (doktorski studij) u studijskoj 2016/2017. godini na sljedećim doktorskim studijima: doktorski studij bioloških nauka, doktorski studij fizičkih nauka, doktorski studij geografskih nauka, doktorski studij matematičkih nauka u Jugoistočnoj Evropi i doktorski studij iz prirodnih i matematičkih nauka u obrazovanju.
 - Data je saglasnost Fakultetu za upravu, pridruženoj članici Univerziteta u Sarajevu, na raspisivanje konkursa za upis kandidata na treći ciklus studija/studijski program „Uprava“ u studijskoj 2016/2017. godini.

Ad-6.

Jednoglasno je donesena

O D L U K A **o imenovanju članova Savjeta za nauku i umjetnost na** **Univerzitetu u Sarajevu**

Imenuje se Savjet za nauku i umjetnost na Univerzitetu u Sarajevu, kao stručno i savjetodavno tijelo Senata Univerziteta u Sarajevu, u sljedećem sastavu:

1. akademik dr. Dejan Milošević, predstavnik Grupacije prirodno-matematičkih i biotehničkih nauka,

2. akademik dr. Muris Čičić, predstavnik Grupacije društvenih nauka,
 3. akademik dr. Branislava Peruničić, profesor emeritus, predstavnik Grupacije tehničkih nauka,
 4. dr. Ivan Čavlović, profesor emeritus, predstavnik Grupacije umjetnosti,
 5. dr. sc. Elijas Tauber, predstavnik Univerziteta u Sarajevu,
 6. doc. dr. Semir Vranić, predstavnik Grupacije medicinskih nauka,
 7. predstavnik Upravnog odbora Univerziteta u Sarajevu,
 8. Lejla Lasić, student trećeg ciklusa studija, predstavnik Studentskog parlamenta Univerziteta u Sarajevu,
 9. prof. dr. Izet Rađo, prorektor, predstavnik Grupacije humanističkih nauka.
- Sekretar Savjeta: mr. sc. Nina Begović, stručni saradnik za naučnoistraživački rad Univerziteta u Sarajevu.

Ad-7.

- a) Jednoglasno je donesena sljedeća

ODLUKA

Odobrava se zahtjev studentice Sabine Šegalo za dobijanje priznanja *Srebrna značka* Univerziteta u Sarajevu za studijsku 2015/2016. godinu.

O b r a z l o ž e n j e

Dana 15. 11. 2016. godine studentica Sabina Šegalo pisano se obratila Odboru za dodjelu univerzitetskih priznanja molbom da se razmotri mogućnost za naknadno dodjeljivanje priznanja za najuspješnije studente na Univerzitetu u Sarajevu, jer je završila prvi i drugi ciklus studija prosječnom ocjenom 9,04. Uvidom u dokumentaciju konstatirano je da nisu u potpunosti ispunjeni kriteriji iz člana 4. Pravilnika o priznanjima i nagradama Univerziteta u Sarajevu, jer studentica nije okončala prvi ciklus studija u redovnom roku. Uvidom u dostavljenu dokumentaciju nepobitno je utvrđeno da je imenovana bila spriječena okončati studij u redovnom roku zbog teške bolesti.

U vezi sa naprijed navedenim, Senat je donio Odluku kao u dispozitivu.

- b) Jednoglasno je donesena sljedeća

ODLUKA

Prihvata se mišljenje Odbora za normativna pitanja, kao stručnog i savjetodavnog tijela Senata Univerziteta u Sarajevu, broj: 0105-7922/16 od 22. 12. 2016. godine, u vezi sa izmjenama i dopunama Jedinostvenog pravilnika o plaćama i naknadama osoblja Univerziteta u Sarajevu, koje čini sastavni dio ove odluke.

Od Upravnog odbora Univerziteta u Sarajevu traži se prolongiranje roka za usklađivanje internih akata organizacionih jedinica Univerziteta u Sarajevu sa odredbama Jedinostvenog pravilnika o plaćama i naknadama osoblja Univerziteta u Sarajevu do dobijanja odgovora Vlade Kantona Sarajevo prema Zaključku (broj: 0101-7606/16 od 09. 12. 2016. godine) donesenom na sastanku rukovodstva Univerziteta u Sarajevu sa dekanima i direktorima organizacionih jedinica Univerziteta u Sarajevu u vezi sa Uredbom Vlade Kantona Sarajevo o određivanju visine plaća i naknada organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, donesenom 06. 10. 2016. godine („Službene novine Kantona Sarajevo“, broj: 41/16).

c) Jednoglasno je donesena

O D L U K A
o imenovanju članova Odbora za upravljanje kvalitetom na
Univerzitetu u Sarajevu

Imenuje se Odbor za upravljanje kvalitetom na Univerzitetu u Sarajevu, kao stručno i savjetodavno tijelo Senata Univerziteta u Sarajevu, u sljedećem sastavu:

1. prof. dr. Maida Čohodar-Husić, prorektor za kvalitet Univerziteta u Sarajevu,
 2. dr. sc. Vanja Kenjić, predstavnik Grupacije društvenih nauka,
 3. prof. dr. Almir Mašala, predstavnik Grupacije humanističkih nauka,
 4. doc. dr. Arzija Pašalić, predstavnik Grupacije medicinskih nauka
 5. doc. dr. Elvedin Hasović, predstavnik Grupacije prirodno-matematičkih i biotehničkih nauka,
 6. doc. dr. Aida Idrizbegović-Zgonić, predstavnik Grupacije tehničkih nauka,
 7. prof. mr. Nusret Pašić, predstavnik Grupacije umjetnosti,
 8. Rijana Jusufbegović, student prvog ciklusa studija,
 9. Mirela Mujović, student drugog ciklusa studija,
 10. Lejla Muminović, stručni saradnik za poslove kvaliteta, predstavnik administrativnog osoblja Univerziteta u Sarajevu.
- Sekretar Odbora: Adnan Kafedžić, stručni saradnik za poslove kvaliteta.

d) Nakon diskusije u kojoj su učestvovali: prof. dr. Željko Šain, prof. dr. Samim Konjicija, prof. dr. Kemal Kozarić, Haris Zahiragić, prof. dr. Naris Pojskić, prof. dr. Mustafa Hrasnica, prof. dr. Rifat Škrijelj, dr. sc. Suvad Konaković, prof. dr. Zlatan Sarić, prof. dr. Izet Bijelonja, prof. dr. Nihad Fejzić, a uz 1 (jedan) „suzdržan“ glas, donesena je

O D L U K A
o konstituiranju Odbora Fonda za razvoj
Univerziteta u Sarajevu

Konstituiraju se Odbor Fonda za razvoj Univerziteta u Sarajevu u sljedećem sastavu:

1. predstavnik Grupacije društvenih nauka
 2. predstavnik Grupacije humanističkih nauka
 3. predstavnik Grupacije medicinskih nauka
 4. predstavnik Grupacije prirodno-matematičkih i biotehničkih nauka
 5. predstavnik Grupacije tehničkih nauka
 6. predstavnik Grupacije umjetnosti
 7. predstavnik Univerziteta u Sarajevu
 8. predstavnik Upravnog odbora i
 9. predstavnik studenata
- sekretar Odbora

Odbor Fonda za razvoj Univerziteta ima sljedeće nadležnosti:

- priprema plana dinamike trošenja sredstava iz Fonda za razvoj Univerziteta u Sarajevu u skladu sa odredbama pravilnika.

Mandat članova Odbora traje dvije godine uz mogućnost ponovnog izbora, izuzev mandata predstavnika studenata koji traje godinu dana uz mogućnost ponovnog izbora.

Odbor ima obavezu donijeti poslovnik o svom radu kojim će regulirati pitanja relevantna za efikasno izvršavanje poslova i zadataka koji su povjereni Odboru.

Također je donesen sljedeći

ZAKLJUČAK

Zadužuju se prof. dr. Željko Šain, prorektor za finansije Univerziteta u Sarajevu, i Odbor za finansije, kao stručno i savjetodavno tijelo Senata Univerziteta u Sarajevu, da u saradnji sa Ministarstvom za obrazovanje, nauku i mlade Kantona Sarajevo, u pisanoj formi, pripreme instrukciju za provođenje odredbi Pravilnika o ostvarivanju i raspolaganju vanbudžetskim prihodima Univerziteta u Sarajevu („Službene novine Kantona Sarajevo“, broj: 7/16) i istu upute organizacionim jedinicama Univerziteta u Sarajevu.

Ad-8.

a) Jednoglasno je donesena sljedeća

ODLUKA

Imenuje se Komisija za izradu Prijedloga izmjena i dopuna Pravila studiranja za drugi ciklus studija na Univerzitetu u Sarajevu u sljedećem sastavu:

1. prof. Zijad Mehić, prorektor za umjetnost, kulturu i sport Univerziteta u Sarajevu,
 2. prof. dr. Meliha Powlakić, Grupacija društvenih nauka,
 3. prof. dr. Merima Čaušević, Grupacija humanističkih nauka,
 4. prof. dr. Fatima Jusupović, Grupacija medicinskih nauka,
 5. prof. dr. Abdulah Akšamović, Grupacija tehničkih nauka,
 6. prof. dr. Drena Gadžo, Grupacija prirodno-matematičkih i biotehničkih nauka,
 7. prof. Nusret Pašić, Grupacija umjetnosti,
 8. gosp. Haris Zahiragić, predsjednik Studentskog parlamenta Univerziteta u Sarajevu.
- Za sekretara Komisije imenuje se gosp. Mirnes Ibrić, stručni saradnik, Služba za pravne poslove Univerziteta u Sarajevu.

b) Jednoglasno je donesena sljedeća

ODLUKA

U Komisiju za izradu Prijedloga izmjena i dopuna Pravila studiranja za treći ciklus studija na Univerzitetu u Sarajevu, umjesto doc. dr. Aide Idrizbegović-Zgonić, predstavnika Grupacije tehničkih nauka, imenuje se prof. dr. Dženana Bijedić, predstavnik Grupacije tehničkih nauka.

Ad-9.

Jednoglasno je donesena sljedeća

ODLUKA

Data je saglasnost na Strategiju razvoja Instituta za genetičko inženjerstvo i biotehnologiju Univerziteta u Sarajevu za period 2017–2027. godine.

Strategija razvoja Instituta za genetičko inženjerstvo i biotehnologiju Univerziteta u Sarajevu bit će dostavljena, posredstvom Upravnog odbora Univerziteta u Sarajevu, Ministarstvu za obrazovanje, nauku i mlade Kantona Sarajevo na daljnje postupanje.

Ad-10.

- a) Data je saglasnost na potpisivanje memoranduma o razumijevanju između Univerziteta u Sarajevu/Ekonomskeg fakulteta i Univerziteta Utara Malaysia (Malezija).
- b) Data je saglasnost na potpisivanje memoranduma o razumijevanju između Univerziteta u Sarajevu i Univerziteta u Poitiersu (Francuska).
- c) Data je saglasnost na produženje Sporazuma o saradnji između Univerziteta u Sarajevu i Univerziteta Aarhus (Danska).
- d) Data je saglasnost na produženje Sporazuma o saradnji između Univerziteta u Sarajevu i Državne medicinske akademije u Iževsku (Ruska Federacija).
- e) Data je saglasnost na potpisivanje sporazuma o akademskoj saradnji između Univerziteta u Sarajevu i Državnog univerziteta u Novom Pazaru (Srbija).
- f) Data je saglasnost na potpisivanje sporazuma o akademskoj saradnji između Univerziteta u Sarajevu i Univerziteta „Hasan Priština“ u Prištini (Kosovo).
- g) Data je saglasnost na potpisivanje sporazuma o akademskoj saradnji između Univerziteta u Sarajevu i Univerziteta „Haxhi Zeka“ u Peći (Kosovo).

Ad-11.

Data je saglasnost da se udžbenik „Fizičko-hemijske instrumentalne metode u analizama hrane i vode“, autorica prof. dr. Enise Omanović-Miklićanin, prof. dr. Esme Velagić-Habul, prof. dr. Tatjane Preočanin, prof. dr. Ivone Jakaše, doc. dr. Maide Đapo, mr. Danijele Sedić i Anese Pite-Bahto (Poljoprivredno-prehrambeni fakultet), objavi kao univerzitetsko izdanje.

Ad-12.

Usvojen je Izvještaj Komisije za provođenje postupka stručnog priznavanja inozemnih visokoškolskih kvalifikacija broj: 0101-7938/16 od 22. 12. 2016. godine.

Ad-13.

Studentska pitanja

U skladu sa inicijativom Studentskog parlamenta Univerziteta u Sarajevu o neodržavanju predavanja i ispitnih rokova na fakultetima i akademijama Univerziteta u Sarajevu u terminima centralnih sedmičnih molitvi pripadnika islamske, katoličke i pravoslavne vjeroispovijesti, kao i ostalih vjerskih zajednica, Senat je jednoglasno donio sljedeću

P R E P O R U K U

S ciljem poštivanja ljudskih prava i sloboda pripadnika svih vjerskih zajednica, pri planiranju studijske godine, vodit će se računa o terminima centralnih sedmičnih molitvi pripadnika islamske, katoličke i pravoslavne vjeroispovijesti, kao i ostalih vjerskih zajednica.

Organizacionim jedinicama Univerziteta u Sarajevu preporučuje se da, u pripremi akademskog kalendara te drugih dokumenata koji uređuju plan i program, aktivnosti, izvođenje nastave i ispita, a uvažavajući pravo studenata, nastavnog i nenastavnog osoblja islamske vjeroispovijesti koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze petkom i to: od

11:45 do 13:00 sati u periodu zimskog računanja vremena, odnosno od 12:45 do 14:00 sati u periodu ljetnog računanja vremena.

Organizacionim jedinicama i nastavnom osoblju preporučuje se da, u slučaju zakazivanja obaveza u dane vikenda, vode računa o terminima centralnih sedmičnih molitvi pripadnika katoličke i pravoslavne vjeroispovijesti, kao i ostalih vjerskih zajednica, te da u tim terminima ne zakazuju akademske obaveze.

Studentski parlament Univerziteta u Sarajevu i Univerzitet u Sarajevu, kao institucije utemeljene na univerzalnim vrijednostima, iskazuju trajno opredjeljenje za poštivanje svih ljudskih prava, ravnopravnost i borbu protiv svih oblika diskriminacije.

Ad-14.

a) Jednoglasno je donesen

Z A K L J U Č A K

kojim je data podrška za prikazivanje edukativno-dokumentarnog filma „Every living thing – experiencing a bioblitz“, režisera i producenta gospodina Lloyd Salomonea.

b) Članovi Senata su informirani o web aplikaciji Izaberifaks.com.

Cilj navedene web stranice i aplikacije je pružanje usluga svim studentima i srednjoškolicima pri pretraživanju potencijalnih fakulteta, kao i apliciranje na iste. Pored aplikacije, ova stranica pruža i sve informacije bitne za studente i gradove u kojima bi studirali.

c) Prof. dr. Almira Hadžović-Džuvo upoznala je članove Senata o problematici realizacije odluka Senata na Medicinskom fakultetu Univerziteta u Sarajevu. Konstatirano je da će se članovi Senata na narednoj sjednici, dostavljenim materijalom, imati priliku detaljno upoznati sa navedenom problematikom.

Sjednica je završena u 16:10 sati.

Rektor

Prof. dr. Rifat Škrijelj, s. r.

Zapisničar:

Alma Voloder-Madacki, s. r.